



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

XIX. De clandestina desponsatione, & matrimonio contracto contra
interdictum ecclesiae.

urn:nbn:de:hbz:466:1-15974

ANNO
CHRISTI
1511.

dos per singulas ciuitates fieri, pro reformatione
status ecclesiarum, ecclesiasticarum & sæcularium
personarum, quod est permaxime necessarium, vt
pastores gregis dominici, de ipsius gregis pascuis
euellant, & ædificent, & plantent in eis, hoc confi-
derantes saluberrimum, & iuri non dissonum, quod
in qualibet ciuitate, vel diœcesi, vbi diœcesanus
commodius & vtilius viderit expedire, semel con-
uocet Synodum, & faciat annuatim, hoc præfenti
Concilio prouinciali fieri declaramus, & cathedra-
ticum soluatur.

RUBRICA XIX.

Monemus omnes & singulos, qui de cetero vo-
luerint matrimonium contrahere, quod ante con-
tractum matrimonii, siue ante sponsalia, per duas
dominicas successiue faciant in ecclesiis ciuitatis,
vel loci, vbi sponsalia fuerint celebranda, & in ec-
clesiis parochiarum, ad quas debuerint sponsæ tra-
duci, proponi banna, siue edicta per sacerdotes
parochiales eorundem, quod infra octo dies pro-
xime subsequentes, si sit aliquis, qui sciat aliquod
impedimentum legitimum inter eos, qui adinui-
cem contrahere voluerint, illud opponat: & ipsi
presbyteri nihilo minus inuestigent, vtrum ali-
quod impedimentum subsistat, iuxta formam
Concilii generalis: & ipsi parochiales presbyteri
ad requisitionem prædictorum hoc facere tenean-
tur. Quod si omissum fuerit ex negligentia, vel ma-
litia prædictorum contrahentium, vltra pœnas in
prædicto Concilio declaratas, non recipiantur ad

benedictionem solennem sponsaliorum per dictos presbyteros, seu quoscumque alios, & vsque ad satisfactionem condignam a traductione & carnali commercio seu consortio sint suspensi. Et poena simili puniantur, qui contra interdictum ecclesiae nuptias duxerint celebrandas. Et vt tempora interdicta ad celebrandum nuptias non possint aliquando ex ignorantia excusare, monemus omnes sacerdotes, parochiales maxime, quatenus dicta tempora dominica ante aduentum, & dominica ante septuagesimam, & dominica ante octauam ascensionis Domini, studeant publice in Missarum solenniis nuntiare, quod nullus celebret nuptias temporibus ab ecclesia interdictis, scilicet a prima dominica de aduentu, vsque post epiphaniam: & a dominica de septuagesima, vsque ad octauam paschae: & a tribus diebus ante ascensionem, vsque ad octauam pentecostes.

ANNO
CHRISTI
1311.

RUBRICA XX.

Cum, secundum Apostolum, nemo sibi debeat honorem assumere, nisi tamquam Aaron a Deo fuerit vocatus, hoc minus considerant & attendunt, suae salutis obliti, qui se intrudunt ad dignitates ecclesiasticas, vel beneficia, & eligi & intrudi procurant per potentiam laicalem: volentes igitur talibus & similibus remediis quibus possumus obuiare, statuimus, & districtius prohibemus, ne quis talia de cetero praesumat attentare, vel attentari sustineat, vel procuret. Et si quis contra fecerit, non solum non confirmetur, nec institua-